

Eolas ar Diabetic RetinaScreen – Clár Náisiúnta Scagthástála Reitiní do Dhiaibéitigh

Déanann Diabetic RetinaScreen scagthástáil faoi choinne reitineapaite diaibéití. Tairgimid scagthástáil rialta ar na súile saor in aisce do dhaoine atá 12 bhliain d'aois ar a óige agus a bhfuil diaibéiteas orthu.

Déantar an scagthástáil le grianghrafadóireacht dhigiteach in ionad seasta nó in ionad soghluaiste. Is é an aidhm atá le scagthástáil reitineapaite diaibéití ná an baol go gcaillfidh daoine a bhfuil diaibéiteas orthu radharc na súl a laghdú trí reitineapaite a aimsiú agus a chóireáil go luath.

Ár ngealltanais duit

- Beidh meas againn ar do phríobháideacht, dínit, creideamh, cine agus creidimh chultúrtha.
- Socróimid na seirbhísí agus na saoráidí sa dóigh go mbeidh siad ar fáil go réidh.
- Coinneoidimid taifid do scagthástála sábhailte agus faoi rún.
- Déanfaimid scagthástáil saor in aisce a thairiscint duit go rialta a luaithe is a bhíonn d'ainm curtha ar an gclár.
- Beidh dearbhú iomlán cáilíochta i gceist le gach gné den chlár scagthástála.
- Cuirfimid faisnéis shoiléir ar fáil le gach céim sa phróiseas scagthástála a mhíniú.
- Déanfar an scagthástáil trí ghrianghrafadóireacht dhigiteach ar an reitine.
- Cuirfimid líne fhaisnéise agus thacaíochta Shaorghlao ar fáil le linn gnáthuaireanta oibre.
- Cuirfimid fáilte roimh do thuairimí agus cuirfimid san áireamh iad.
- Má fhaightear amach tríd an chlár scagthástála go bhfuil rud éigin as an ghnách ort, tairgfear duit gan mhoill atreorú, measúnú agus cóireáil a bhfuil a cáilíocht dearbhaithe.

Sa chás ina mbeidh cóireáil de dhíth ort

- Déanfaimid an chóir leighis atá ar fáil a mhíniú.
- Spreagfaimid tú le páirt a ghlacadh sa chinnteoireacht faoin gcóir leighis a bheidh agat.
- Más toil leat é, is féidir linn tuismitheoir, caomhnóir, páirtí, cara nó gaol leat a thabhairt isteach le bheith páirteach in aon phlé a dhéanfar.
- Tá sé de cheart agat cóir leighis a dhiúltú, an dara tuairim a fháil nó cóir leighis mhalartach a roghnú.

Bealaí inar féidir leat cuidiú linn

- Léigh aon fhaisnéis a sheolaimid chugat agus, má tá ceist ar bith agat, is féidir leat glaoch ar an líne fhaisnéise agus thacaíochta Shaorghlao.
- Bí i láthair don choinne nó cuir scéala chugainn trí lá ar a laghad roimh ré má chaithfidh tú am an choinne a athrú.
- Inis dúinn má tá riachtanais speisialta agat.
- Inis dúinn má bhíonn seoladh nua agat.
- Tabhair dúinn do bharúil ar an tseirbhís agus ar an gcúram a fuair tú. Beidh do bharúlacha ina chuidiú linn an tseirbhís a fheabhsú duitse agus do dhaoine eile.

Saorghlao: 1800 45 45 55

www.diabeticretinascreen.ie